



COMUNU DE SIAMAJOIRE

(Provìntzia de Aristanis)

Bia San Costantino n° 2

Tel. 0783-34411/3441207

09070 SIAMAJOIRE (OR)

protocollo@comune.siamaggiore.or.it

Facs 0783-3441220

Ufitziu Servìtzius Sotziali, Cultura Sport e Istruzioni Pùblica

SERVÌTZIU DE TRASPORTU SCOLÀSTICU A.S. 2020/2021

AVISU COBERAMENTU RECHESTAS

Su Responsàbili de su Servìtziu

Biu su Calendàriu Scolàsticu Regionali po s'a.s. 2020/2021 chi at aprovau sa Giunta Regionali cun sa Delibera 40-3 de su 4 de austu de su 2020, chi ponit in contu de inghitzai is letzionis sa dii martis 22 de cabudanni de su 2020;

Biu s'Allegatu 16" de su Decretu de su Presidenti de su Consillu de is Ministrus 7 de austu de su 2020 chi pertocat is "Linias ghia po su trasportu scolàsticu dedicau";

AVISAT

a is genidoris de is alunnus chi tenint sa residèntza in Siamjore chi frequentant is Scolas de s'Infàntzia, Primària e Segundària de I gradu de SABARUSSA ca, **aintru e sena de sartai s'11 de cabudanni de su 2020** s'ant a depi intregai is rechestas po impreai su Servìtziu de Trasportu Scolàsticu po s'annu scolàsticu 2020/2021.

Si ponit a s'avèrtia de is genidoris a pitzus de is disponimentus chi is autoridadis natzionalis de cumpetèntzia ant bogau immui immui po pigai measuras po firmari e gestiri s'apretu epidemiològicu de Covid19, cun riferimentu po su prus a cantu si ponit in contu in su "Allegau 16" de su Decretu de su Presidenti de su Consillu de is Ministrus 7 de austu de su 2020 cun ogetu "Linias ghia po su trasportu scolàsticu dedicau".

Ponendi in pràtica is prescritzionis arremonadas asuba, pighendi parti a su servìtziu de trasportu scolàsticu in genidoris s'assuntant de:

- a) Fruniri de mascarina a is studentis po si oprigai is bias respiratòrias chi tocat de dda bistiri ampuendi-nci a su mezu e candu s'est aintru. (Custu disponimentu non si àpricat a is alunnus de edadi prus pitia de ses annus e a is studentis cun formas de disabilitadi chi no andant de acòrdiu cun s'usu totu de s'ghida de is dispositivus po si oprigai is bias respiratòrias).
- b) Imparai a is fillus insoru s'apretu de: s'abarrari atesu 1 metru de is àterus in sa firmada, ampuai in modu ordinau a su scolabus apustis chi su passeggeru ananti s'est sètziu, calai a unu a unu sena de si tocai apari ampuendi-sì feti candu ddu narat s'assistenti, circai de non s'acostai a s'autista o a s'assistenti po pregontai cosa.
- c) Lassai a is fillus in domu e circai de non ddus fai intrai a su servìtziu de trasportu candu:

- ddui at sinnalis de Covid comenti a: tussi, rasfriori, calentura chi sartat is 37.5°C finas me in is tres diis in antis;
- cuntatu cun genti positiva a su Covid-19, po cantu est de cumpetèntzia insoru, me in is ùrtimu 14 diis.

d) Castiai beni is disponimentus in prus chi si podint pigai a livellu natzionali, regionali e locali in s' àmbitu de is mesuras po poni frenu a s' epidemia de Covid-19.

Is rechestas tocat de ddas mandai a su protocollu de su Comunu de Siamajore aintru e sena de sartai sa data de s'11 de cabudanni de su 2020 diaici:

- a is indirizus de posta eletrònica: *protocollo@comune.siamaggiore.or.it* e/o *servizi.sociali@comune.siamaggiore.or.it*;
- lassai sa rechesta e is allegaus a busta serrada aintru de sa scàtula chi ddui est aintru de sa sea comunali;
- intregu a manu a s'Ufitziu Servìtziu Sotzialis. Custa manera de intregu fait a dda fai feti apustis de s'essi postus de acòrdiu a telèfonu a su nùmeru 0783/3441207.

Po cuncordai mellus, is ufitzius, su servìtziu si pedit a is famillias de arrispetai beni sa scadèntzia inditada.

Sa modulistica si podit agatai in su situ istituzionali de su Comunu e in sa cadira chi ddui est aintru de sa sea comunali.

Siamajore su 03/09/2020.

**Su Responsàbili de su Servìtziu
Dr. Massimo Bellu**